

許負相法十六篇序

今之游夫術子以定墓祿命形
相三事教道吉凶卑榮王侯百
官之門日多虛者聽其言也則
亶：昭：明根曲授若銖戛
爽矣而平皆無驗要之三事唯



形相人各判殊可以案察推取
神斯理者當揚目而洞覩也

國朝永樂間盛稱柳莊素生百
多一謬而其精奧竟鮮有傳之
者余家有古刻相法十六篇迺
高陽許負所撰且云許負者即

漢文帝令相鄧通去也歟通傳
不載負名而相通之訣則著於
負篇矣余誦其文雖多後世增
色而古朴簡要非漢代莫有也
嘗取一二私自鏡別則往々靈
中可愕也雜渾羣述後世無以

持其領肯乃別錄之倘山澤
並有好之者則舉以贈也

五穀山人黃省曾撰



相法十六篇目錄

相目篇第一

相鼻篇第二

相人中篇第三

相耳篇第四

相唇篇第五

相口篇第六

相齒篇第七

相舌篇第八

相胃篇第九

相腹篇第十

相手篇第十一

相脚篇第十二

相陰篇第十三

相尿尿篇第十四

相行篇第十五

聽聲篇第十六

相法十六篇目錄終



相法十六篇

夷門廣牘六十五卷

漢高陽許負著

明周履靖校梓

相目篇第一

目秀而長必近君王龍睛鳳目必食重祿目如
卧弓必是奸雄鬪鷄蜂目惡死孤獨目光如電
貴不可言目尾朝天福祿綿綿女目四白外夫
入宅目色通黃慈憫中良黑白分明必主朝京
若是女子的主廉貞目白長細貧寒無計目中

赤砂起法死須妨已女人目下赤色必憂產厄
目下一字平所作皆分明目下亂理文室家多
子孫目下有卧蠶足女還少男目下光漫亂姦
淫須少喚右目小女畏夫左目小男畏婦隨其
男女小心不虛目長一寸五分刀筆五分凌雲

相鼻篇第二

鼻準洪直富貴無極鼻狹高危兄弟微羸鼻梁
不直欺詐未息鼻毛出外誹謗凶害鼻上黑子
疾在陰裏鼻有縱理主養他子鼻上橫理憂危

不已若是胡人富貴如市鼻柱不平委的他姓
鼻柱薄立志弱鼻如縮囊至老吉昌鼻如獅子
聰明達士鼻高而昂仕宦欣昌鼻上光澤富貴
盈宅鼻如截筒富貴興隆鼻起中央車馬敗傷
鼻頭短小意志淺小鼻相廣長必多伎倆鼻直
而厚天子諸侯鼻如缺破孤獨饑餓

相人中篇第三

人中平長至老吉昌兼有年壽更益兒郎人中
短促子孫不足人中高厚壽年不久人中廣平

養子不成雖卽生產長聞哭聲人中廣厚奸淫
未足人中兩黑的生可儼人中深長子孫滿堂
人中漫漫無子可憐

相耳篇第四

耳高於目合愛他祿作爲人師也高如眉一寸永不
踐貧困耳高輪郭亦主安樂耳有刀環五等高
官耳門垂厚富貴長久耳門容筋家貧易去耳
有毫毛長壽富貴兼沒災殃毛若目能自見者吉耳如獸
耳自安自止耳門寬大聰明財足耳門薄小命

短食少耳白於面名滿赤縣

相唇篇第五

下唇過上唇妨夫的有真上唇過下唇法多虛
假人唇紫色足衣食唇常赤爲貴客上唇厚命
非久下唇長主貪食唇上下相當語音易善好
集文章女唇紫夫早死兼妨首子唇赤如丹不
要師看唇上下不相覆常懷盜竊終身不富唇
多文理兒多無比

相口篇第六

相法

口如角弓位至三公口如含丹不受饑寒一則
主富一則主官口如撮聚供承人後虛用心情
人賤如狗口如縮囊饑死無糧縱然有子必主
別房口如吹火饑寒獨坐口如縮螺常樂獨哥
龍唇鳳口不可爲友好說不真常懷龕醜口如
赤丹不入殷蘭若是女子亦得夫憐口闊舌薄
必好歌樂如此之人永無凶惡縱理人口饑死
不久口邊紫色貪財妨害口開齒出當失筭數
必不久長少卽身故口中有理長相對益豐財

足祿終無妨害口未語將唇起奸邪在心常懷
不足口如馬口嫉害貪醜口中黑子貪噉皆美

相齒篇第七

齒白如玉自然壽樂財食自至不用若作齒如
斬銀必是貴人齒如石榴富貴他求齒如龍齒
法生貴子齒齲竅出每事漏失齒縫疎稀財食
無餘如此之人與鬼同居齒數三十六貴聖有
天祿若三十向上富貴豪望足滿三十衣食自
如齒色黑多妨剋三十已下漸多饑寒衣食必

少壽命短促

相舌篇第八

舌小窄方法主公主舌上長理三公可擬舌小
多文理安樂常不已舌至鼻頭必得封侯舌長
而薄萬事虛耗舌大口小言不了了舌小口大
言語捷快舌過齶大主多饑餓舌小而短法主
貧賤舌上黑紫必無終始口語未出其舌先見
好語他事必自改變舌上綉文奴馬成群財帛
千萬富貴凌雲舌有支貴必超昇

相胃篇第九

胃狹而長不可求望胃廣而長主得公王胃短
於面法主鄙賤胃上黑紫為兵萬里胃獨高起
貧賤不已胃若覆身富貴名真胃不平均未足
為人胃均平滿豪播天畔胃有毫毛必主富貴
十毫已下三毫已上必主長命若多毛
生者亦主貧賤精長面出即為第一也胃廣
而方長智榮昌

相腹篇第十

腹小而下大富長者腹大垂下名遍天下腹如

抱兒萬國名題腹如雀腹貧賤無屋腹有三甲
背有三壬如此之人法畜黃金腹臍突出壽命
蚤卒

相手篇第十一

手文亂挫合有福祿未無災害手有橫理文殺
害不須論手有縱橫文爵位至三公黑十掌中
財食無窮黑子手裏多婦少兒掌四方厚中央
薄兼有深法益仕宦財食安樂掌通四起容止
君子手有仰羊行不衣糧手中月仰羊者即難得也手有三

的約必使奴僕

指上文有三行各三道者是也

手一約必為奴

走脚或客作兼貧無福十指三約並通財食無

窮手如虎屈貧寒至骨手爪如鯁瓦必作大富

長者爪忽缺落厄病數着若似龍虎貴名難得

龍龜紅直必得官職男手如縣囊祿位似公王

上相人若庶人各富貴也

女手竹竿鎗福祿至無疆

相脚篇第十二

脚下龜理文主二千石祿位君子之相脚下容

龜三公封侯脚下理長位至公王

有相理文者好

通心

相法
達理三公刺史之位脚心黑紫祿至二千石脚
下三理文公王將相位脚下無文法主寒貧足
薄而指長之子沒兒郎足中指長客死他鄉足
躡齊短爲人安穩脚骨節強妨非一兩兼主辛
苦足厚四寸必主大祿富貴人也

相陰篇第十三

陰上黑紫富貴之事陰毛逆生上夫婦定相妨
黑紫陰頭必得封侯

相尿尿篇第十四

尿頭散瀉富貴天下尿如竹竿必主貧寒穀道
急而方得位至公王穀道寬主貧寒大便遲堪
爲人師又富貴人也大便急德智俱失

相行篇第十五

凡相形須行十步卽喚迴頭須看左轉必有官
職右轉無官職又無衣食行作龜行必主聰明
行作鹿行馬行必主辛苦行不低昂富貴之相
行步兩踵相衣食早衰

聽聲篇第十六

聲小亮高賢貴之極語聲細嫩必主貧寒兼須
危困女人雄聲終身不榮良人早殞虛有夫名
男子雄聲妨婦多兒女聲急切妨夫一絕夫人
身手欲得厚大小相覆滑淨光澤必應豪貴顏
色光潤財祿日進夫人少顏色惡者絕無官分
故經云頭小爲一極不得上天力額小而
不得父母力目小爲三極無有廣知識鼻小爲
四極農作無體息口小爲五極無有盛衣食耳
小爲六極方命難量測頭雖大額無角目雖大

無廓落

是無相也

鼻雖大探柱弱口雖大語畧總耳

雖大無輪廓腹雖大近上着非奴即客作

是無指也

頭雖小方且平目雖小精且明鼻雖小梁柱成


口雖小語媚生如此之人法主聰明矣不

食夫女人共語未了即面看他如此之人必有

病之夫女人當共人語手拈衣帶者便低頭答

言必有奸淫之事也

崑山俞允升階甫手校



National Central Library, Taiwan, R.O.C.